

COMUN

Al vëgn lascé alsavèi che le Comun da San Martin de Tor á l'intenziun da tó sö por le proscimo isté 2022 nr. 1 studënt/ta (sura 15 agn) por n practicum formatif y de orientamënt pro i ofizi de Comun dai 27 de jügn ai 26 d'agost 2022. Les domandes é da dé jö cina ai 28 d'aurí dales 12.00. Informaziuns plü avisa y le formular por la domanda é da ciáfé söla plata internet dl comun.

SAN MARTIN Y LUNGIARÜ

Invit a düc i geniturs che á n pope y na popa da batié, përs che aspeta, toc y totes de nosc Decanat ala preparaziun dl Bato, che vëgn tignida en sabeda ai 7 de ma, dales 15.00 ales 17.00, tl salf dles uniuns a La Pli. La Uniun dles Ères ti pïta ai partezipanc n pice renfrësch. Prenotaziuns al numer 328/0717796.

Le Consèi de Cöra da San Martin inviëia a n recital dal titul "Siamo Voce" cun le poet Lino Pasquale Cacciapaglia al pröm de ma 2022, dales 18.00, tl salf di Stödafüch a San Martin. Tres les poesies gnarál a s'al dé n iade che condüj ala descurida de nosc proscim.

SAN MARTIN

I tignun incö domënia, ai 24 d'aurí, dales 9.00, la prozesciun de San Germano perian do bun tēmp.

En sabeda ai 30 d' aurí domisdé vëgnel indô romené sö le paisc. Le Comun, la Cooperativa Turistica, i Stödafüch, l' Uniun dl Sport, le Consèi de Cöra, les Uniuns dles ères y di èi, le Grup di Jogn, le KVV, la Musiga, le Cor de dlijia, la Uniun patrones, le Club di seniors, l' Aiüt Alpin, l' Uniun dl teater, i Artejans, i lagri y le AVS inviëia düc da gni a romené sö le paisc. I s' incuntun dales 14.00 jön Pradel, olach'al gnará partí sö i laurs y partí fora i sac. Ala fin ciara i partezipanc val' da mangé. I podun düc daidé por en bel paisc - I orun tigni ite les regoles Anti Covid!

LUNGIARÜ

La Uniun di Omi mët a jí ai 22 de ma n peregrinaje a "Maria Weissenstein". Düc é bel inviá! Info plü menüdes ciáfëise tla proscima plata dla cöra.

Raisc y ares „Mëte limic, l'infanzia é le cör dla porsona“, na iniziativa de döes sères cun referac y discusiun, cun Walther Frontull, pedagogh sozial, tl Istitut Ladin a San Martin. Organisé dal Grup Ecuiliber, n grup metü adöm da rapresentantes de deplü istituziuns - Comuns, Scora, Raiun Sozial Val Badia, Sorvisc ai Jogn y rapresentanza di geniturs – gnarál baié y sensibilisé sön tematiches dla educaziun y dla prevenziun. I referac é ponsá por geniturs, insegnanc y interessá y pitará sostëgn y impuls por reflesciuns desvalies. Les incuntades sará tres de vëndres ai 29 d'aurí y ai 6 de ma 2022 dales 19.30 tl Istitut Ladin a San Martin; i referac alda adöm. Ai vëgn tignis por todësch, cun poscibilité da fá domandes y discusiun ince por ladin y talian. Azes ma cun Green Pass, al ne vá nia debojëgn da se prenoté. Dötes y düc é dër bel inviá!



Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunita

24.04. - 01.05.22 nr. 22

ultimo termo por comunicaziuns: jöbia, dales 20.00

2ª DOMÈNIA DE PASCA - C

Vangele do Jan 20,19-31

Canche i discepuí â dala tēma dan dai iüdes sarè pro les portes, él gnü Gejü, é jü amesa èi ite y ti à dit: Pësc a os! Do chëstes parores ti àl mostrè sües mans y so costà. Dailó se ralegrà i discepuí da odèi le Signur.

Gejü ti à ciámò n iade dit: Pësc a os!

Sciöche le Pere m' à menè mè,
insciö ves mēni iö os.

Do ch' al à albü dit chësc,

ti àl fladè ados y ti à dit:

Recioiede le Spirit Sant!

A chi che os ti lascëis do i picia,

ti ési lascia do;

y a chi che os ne ti ai lascëis nia do,

ne ti ési nia lascia do.



*I oress ester lëdia da döt ci che me pësa: la delujiun de proiec jüs mal,
le dagní zënza speranza, i raporç jüs indalater ch' i ess ion mantigní,
döt chësc me pësa sciöche plom y me tēgn indô da jí cun coraje tl dagní.*

"A chi che os ti lascëis do i picia, ti ési lascia do"

ti dij le Ressorí a chël grup döt sprigoré saré daite.

Chësc n'é nia tan n invit da jí a nen confessé tröc.

Plü co ater él n invit da jí a ti fá do a Gejü, che n'á delibré y fat lëdi n gröm:

Emarginá ál metü ite amez, fora de piciaðesses ál fat sües discepules,

i pici y i maltratá ál tut sot a süa proteziun cun la impormetüda:

Tü picia t'é lascia do, t'es dlungia Chël Bel Dì.

Chësta é la racomanaziun ince a nos, a süa comunité,

ch' i stun gonot te n piz zënza savèi c' i ch' i desson pié a man.

Fajede les porsones lëdies, ciarede olach'al é pëisc che drüca,

daidede porté, delibrede i stanc! Chësc Spirit Sant ói ves dé.

Christina Brunner

EDEMA	SAN MARTIN	LUNGIARÜ	Tomesc, che ne cherdô nia a ci ch'i atri discepui cuntâ de avëi odü, á spo instës podü odëi Gejú y mête súa man tles ferides di agüs , y dl costá - y al ê resté imprescioné: Mi Signur y mi Dî! Scíncheme ince a me esperienzes, incuntades y situaziuns olach'i pó t'odëi y t'incunté y láscheme ince me resté imprescioné da tua misericordia: Mi Signur y mi Dî!  Benedëscesse cun tua pesc te nos daité sce fai y ferides nes brüj. Benedëscesse cun tua pesc incër nos sc'al é tenjiuns dan nosta porta. Benedëscesse cun tua pesc danter i popui te n monn zënza tria. Benedëscesse cun tua comunité de fede da chëra ch'i ciafun tua pesc.
24.04.22 2ª DOMËNIA DE PASCA Domënia dla Misericordia	9.00 Prozesciun de San Germano 9.30 Gran Mëssa por la Comunité a d'intenz. families Prousch y Perathoner + + Frida y Paul Vantsch + + siur Vito Rubatscher y suor Maria D. Erlacher 11.15 Bato de Vivian Frenner	7.50 Corona 8.15 Gran Mëssa por la Comunité a d'intenz. en onú dl Sacher Cör de Gejú	
25.04.22 Lönesc <i>Merch evangelist</i>			
26.04.22 Dedolönesc <i>Maria dl Bun Consëi, Cleto</i>	16.00 Mëssa di scholars fam. Ivan y Franca Sorà + Mariangel Tavella		
27.04.22 Dedemesaledema <i>Pire Canisius, Zita</i>		7.30 Mëssa + Flavia Costa Clara + + Maria y Paul Castlunger Oraziun por la pesc	
28.04.22 Jöbia <i>Pire Chanel, Valeria</i>	7.30 Mëssa + Angelina Vanzi Baldissera por les Püres Animes dl purgatore Corona por vocaziuns		
29.04.22 Vëndres <i>Catarina da Siena</i>	18.30 Adoraziun chîta 19.00 Adoraziun deboriada	7.30 Mëssa por les Püres Animes + + Iaco y Veneranda Clara	
30.04.22 Sabeda <i>Ciascian y Vigile, Rosamunda</i>	20.00 Mëssa prefestia + Clementina Detomaso Paraza + Otto Erlacher + + Sepl y Regina Clement dl ann + Sepl Flöss d'Arzó + + Pauli y Hilda Wieser	18.30 Mëssa prefestia + Daniele Pezzei, Ghestan + + Zilia Daporta y Franz Pezzei, Ghestan + Marino Clara	
01.05.22 3ª DOMËNIA DE PASCA Festa de San Florian	8.45 Prozesciun de S.Florian a Picolin 9.30 Gran Mëssa por la Comunité en onú de San Florian por i Stödafüch + Angelina Tolpei 13.00 Bato de Lukas Chizzali	7.50 Corona 8.15 Gran Mëssa por la Comunité en onú de San Florian por i Stödafüch dedô: Benediscium auti y mascins ia dal Pech 14.00 Bato de Miryam Silvestri	